

PRÆFATIO

Sed longior fortè quàm par erat in metallorum generatione excutienda fui, volui tamen hæc altius exponere, ut cum ii, qui hac de re quid tradiderunt, mirè dissentiant, veram hîc sententiam expedirem. Ne itaque lectoris patientiam laceßam, aut ad nauseam illum provocem, de metallorum transmutatione, quam & natura & arte, firmis rationibus persuasus, fieri posse statuo, paucis agam, ubi præmiserò verba jam nominati acutissimi quondam Philolophi, & in Academia Julia Professoris celeberrimi Cornelii Martini, qui Anal. log. c. 8. ita scribit: *Neque tot tamque præstantium virorum, inter quos sunt doctissimi Philosophi, Juris - Consulti, Medici, etiam Theologi, nec non viri principes, qui libris editis sanctè affirmant, se oculis suis vidisse, & manibus non tantùm palpasse, sed & confecisse transmutationem unius metalli in aliud, ego fidem derogare debeo, mihi enim hoc impudentis esse videtur, non Philosophiæ studiosi.* Interim videatur Martin. del-Rio disqvirit. magic. lib. 1. cap. 5. quæst. 1. sect. 2. & seqq.

Artem autem *χρυσοποιητικήν* sive metalla transmutandi veteribus Ægyptiis (de quorum eruditione, quanta & qualis fuerit, videri potest Summus Vir Hermannus Conringius dissert. 1. de antiqvit. Academ. & libro de Hermet. medic.) cognitam fuisse, argumento sunt, quæ habet Svidas in Diocletiano, ubi memorat, quod Imperator Diocletianus, ob excitatum tumultum, non solum multorum illustrium virorum nece iracundiam suam expleverit, sed & veterum de argenti & auri fusione scripta undiqve conqviri, & flammis tradi jussit, ne ex illa arte ditati Ægyptii novis iterum rebus studerent. Veteres etiam hanc artem in votis habuisse testatur Themistius Orat. 4. ad Valentem Imperat. *Τὸ χαλκὸν μὲν, ἐῖς ἀργύριον μεταβαλεῖν, καὶ τὸ ἀργύριον ἐῖς χρυσίον, εἰσμένως ἂν ἴνα ἐξ ἄλογίμην τέχνην. Æs in argentum mutandi, & argentum in aurum, libenter aliquam sanè inveniremus artem.* Secutis temporibus scripto eam complexus est Zozy-mus græcus, cujus de arte sacra & Chrylopoëia libri manuscripti, unà cum Nicephori Blemmidæ ejusdem argumenti libro extare dicuntur in Bibliothecâ Gallix Regis Fontisbelæquei, (Fontainebleau.) Se-culo